

Broj: 905-9-FN/23

Datum: 10.07.2023. godine

Na osnovu člana 70. Zakona o javnim nabavkama BiH („Službeni glasnik BiH“, br. 39/14 i 59/22), člana 18. Pravilnika o javnim nabavkama Lutrije BiH br. 03-3158/22 od 09.12.2022. godine i Zapisnika o pregledu i ocjeni ponuda Komisije za javne nabavke br. 905-8-FN/23 od 07.07.2023. godine, direktor Lutrije Bosne i Hercegovine, donosi

ODLUKU

**o izboru najpovoljnijeg ponuđača po otvorenom postupku
za javnu nabavku broj 085/23 od 01.06.2023. godine**

1. Kao najpovoljniji ponuđač po otvorenom postupku za javnu nabavku roba broj 085/23, objavljenom na Portalu javnih nabavki BiH pod brojem 523-1-1-67-3-68/23 dana 01.06.2023. godine i u Službenom glasniku BiH br. 41/23 dana 09.06.2023. godine, a u skladu sa Zapisnikom o pregledu i ocjeni ponuda Komisije za javne nabavke, split klima uređaji, ventilacija u automat klubovima i klimatizacija server sale u direkciji Lutrije BiH, izabrana je ponuda sljedećeg ponuđača (po LOT-ovima):

LOT 1: Split klima uređaji

„MB GROUP“ d.o.o. Sarajevo, sa cijenom od 111.080,05 KM bez PDV-a,

LOT 2: Ventilacija u automat klubovima

„MB GROUP“ d.o.o. Sarajevo, sa cijenom od 59.798,00 KM bez PDV-a,

LOT 3: Klimatizacija server sale u direkciji

„MB GROUP“ d.o.o. Sarajevo, sa cijenom od 65.790,00 KM bez PDV-a.

2. Ponuda ponuđača iz tačke 1. ove odluke ocijenjena je prihvatljivom, jer ispunjavaju sve uvjete naznačene Tenderskom dokumentacijom, a u skladu sa kriterijem za dodjelu ugovora, ponuđač je ponudio najnižu cijenu.
3. Izabranim ponuđačima ponuditi dodjelu ugovora o javnoj nabavci.
4. Za realizaciju ove odluke odgovorni su Sektor za pravne i opšte poslove i Sektor za finansijske poslove.
5. Dalji postupak po ovoj odluci provesti u skladu sa Zakonom o javnim nabavkama BiH, te Pravilnikom o javnim nabavkama Lutrije BiH.
6. Ova odluka se primjenjuje danom donošenja.

Obrazloženje

U predmetnom postupku zaprimljena su 4 (četiri) ponude i to ponuđača: „PRUNUS“ d.o.o. Sarajevo za LOT 2, „ENERGO CENTAR“ d.o.o. Trn Laktaši za LOT 1 i LOT 3, „INVENTO PRO“ d.o.o. Sarajevo za LOT 1, LOT 2 i LOT 3 i „MB GROUP“ d.o.o. Sarajevo za LOT 1, LOT 2 i LOT 3. Komisija za javne nabavke, imenovana Rješenjem broj 03-633/23 od 31.03.2023. godine, izvršila je pregled i evaluaciju dostavljenih ponuda, te konstatovala da su ponude ponuđača „PRUNUS“ d.o.o. Sarajevo za LOT 2, „ENERGO CENTAR“ d.o.o. Trn Laktaši za LOT 1 i LOT 3 i „INVENTO PRO“ d.o.o. Sarajevo za LOT 1, LOT 2 i LOT 3 neprihvatljive, dok je ponuda ponuđača „MB GROUP“ d.o.o. Sarajevo za LOT 1, LOT 2 i LOT 3 prihvatljiva. Nakon izvršenog pregleda i evaluacije dostavljenih ponuda, Komisija je dostavila direktoru Zapisnik o pregledu i ocjeni ponuda broj 905-8-FN/23 od 07.07.2023. godine zajedno sa preporukom o izboru najpovoljnijeg ponuđača po LOT-ovima. U postupku ocjene provedenog postupka, direktor nije našao razloge, nepravilnosti niti propuste u radu, koje bi eventualno bile osnov za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila, te da je izbor izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Izabrani ponuđač je dostavio prihvatljivu ponudu u skladu sa uvjetima naznačenim u tenderskoj dokumentaciji i kriterijem za dodjelu ugovora, te je ponudio najnižu cijenu (po LOT-ovima). E-Aukcija nije održana iz razloga što je dostavljena jedna prihvatljiva ponuda.

Uzimajući u obzir naprijed navedeno, odlučeno je kao u dispozitivu ove odluke.

POUKA O PRAVNOM LIJEKU:

Protiv ove odluke, svaki ponuđač koji je učestvovao u postupku nabavke, može izjaviti žalbu Uredu za razmatranje žalbi BiH putem Ugovornog organa i to na način propisan odredbama člana 99. Zakona o javnim nabavkama, u roku od 10 (deset) dana od dana prijema ove odluke.

A.W.
Dostaviti:

- Sektor za pravne i opšte poslove
- Sektor za finansijske poslove
- Ponuđačima po javnoj nabavci broj 085/23
- Komisiji za javne nabavke
- Nadzornom odboru
- a/a.



DIREKTOR

Edhem Pašukan
Edhem Pašukan